

De ió veun-té lo non Vatican ?

D'eun ten passó, lo Vatican l'íye lo non d'eun tsanté de Roma, di coté dret di Tevere, fran eun fase di Tsan de Mars é a drèite di Gianicolo.

Dapremé l'íye an létse maasan-a é imida ; l'íyan de vâco maque bon pe alé eun tsan.

Tchéca de ten apré Agrippina, de sése croué vâco i pià de la couta, l'a fé de dzen dzardeun.

Tojour lé pe lo Vatican, l'ampereur Nérón l'a fé fée eun pégnó sirque privó. Lé dedeun son itó tchoué le premé martire crétchèn, é euntre leur euncó l'apotre Pière, que l'é itó eunterró fran lé.

Dèi adón, sé tsanté l'é vin-ìn eun semeteurio tan pe de payèn que pe de crétchèn, tanque i ten de l'ampereur Costanteun que, deun le-z-àn que van di 326 i 333 apré Jézù Cri, l'a baillà ordre de fée eumplan-é lo sondzón de la créta pe fée bâti lé la premie bazeleucca dédiaye a Sen Pière.

L'é maque dèi l'an 1870 que lo Vatican l'é la rezidanse di Sen Pée. I Moyèn Adzo lli restave dedeun le Palé di Latrán é pi tar l'é-se tramó dedeun d'atre eumportante bâtisse de Roma, comme lo Quirinale, que i dzor de oueu l'é la rezidanse di prezidàn de la repebleucca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte inédit

Collaborateur d'Allein pour la traduction : Anna Diémoz

La transcription a été soignée par le Guichet Linguistique

Mise à jour de la graphie : octobre 2013